



KENYATAAN MEDIA

PASCA PROSES DOS PERTAMA PROGRAM VAKSINASI KEBANGSAAN BAGI PELAJAR-PELAJAR BERUMUR 12 HINGGA 17 TAHUN DAN PERSEDIAAN BAGI PROSES DOS KEDUA

Isnin, 22 November 2021 – Sebagaimana yang dimaklumi, Program Vaksinasi Kebangsaan Bagi Pelajar-Pelajar Berumur 12 hingga 17 tahun, atas kerjasama Kementerian Pendidikan bersama Kementerian Kesihatan, yang bermula pada 3 Rabiulakhir 1443 bersamaan 8 November 2021 telah sempurna dijalankan pada hari Jumaat, 14 Rabiulakhir 1443 bersamaan 19 November 2021.

Pelaksanaan program ini telah berjalan dengan lancar yang melibatkan vaksinasi ke atas seramai **37,089 atau 97%** orang pelajar terdiri dari kalangan mereka yang bersekolah di sekolah-sekolah dan institusi-institusi pendidikan di bawah kawalan Kementerian Pendidikan, Kementerian Hal Ehwal Ugama serta sekolah-sekolah swasta dan sekolah-sekolah antarabangsa.

Sementara itu, bagi pelajar-pelajar yang tidak dapat menghadirkan diri mengikut jadual yang telah ditetapkan, adalah dinasihatkan untuk menghubungi sekolah masing-masing bagi proses selanjutnya dan juga membantu pelajar-pelajar untuk mendapatkan vaksinasi.

Di kesempatan ini, Kementerian Pendidikan sukacita merakamkan penghargaan dan terima kasih kepada pasukan petugas di pusat-pusat vaksinasi, pegawai-pegawai, pemimpin-pemimpin sekolah dan guru-guru pengawas yang bertugas serta para ibu bapa dan penjaga yang telah memberi kerjasama penuh dan padu dalam sama-sama memastikan kelancaran pelaksanaan vaksinasi untuk dos pertama ini.

Dalam pada itu, sukacita juga memaklumkan bahawa Insya-Allah fasa berikut dalam melaksanakan Program Vaksinasi Pelajar bagi dos kedua akan dilaksanakan bermula **pada hari Isnin, 1 Jamadilawal 1443 bersamaan 6 Disember 2021**.

Jadual dan pelaksanaan bagi dos kedua tersebut akan diedarkan kepada para ibu bapa dan pihak-pihak berkepentingan melalui pihak sekolah pada waktu yang terdekat ini.

Dalam membuat persediaan ke arah itu, Kementerian Pendidikan dan Kementerian Hal Ehwal Ugama juga penuh berharap sokongan dan kerjasama dari semua pihak yang telah diterima semasa pelaksanaan dos pertama akan juga dapat ditunjukkan semasa pelaksanaan dos kedua nanti. Pihak kementerian yakin dengan kerjasama ini, kita akan sama-sama dapat mendokong usaha membendung penularan pandemik COVID-19 dan menyumbang ke arah keselamatan dan kesejahteraan masyarakat di negara ini.

-TAMAT-

Dikeluarkan oleh:

Bahagian Komunikasi Korporat
Kementerian Pendidikan
Negara Brunei Darussalam

Rujukan: KPE/CCD/K1:2/PR/93

Tarikh: 17 Rabiulakhir 1443H / 22 November 2021M

